



Vågsøy kommune

Møteprotokoll

Oppvekst- og kulturutvalg

Møtested:	Modulskulen på Tennebø, møterom
Møtedato:	10.05.2016
Tidspunkt:	08:30 - 12:00

Til behandling: **Saksliste nr. 025/16 - 031/16**

Medlemmer:

SP - Olav Horn (Leder)
AP - Terese Gjerde (Nestleder)
FRP - Ronny Mobakken (Medlem)
H - Linda Vika (Medlem)
KRF - Dag Almenning (Medlem)

Varamedlemmer:

TVLV - Even Halsør (Varamedlem)

Fra administrasjonen møtte:

Kommunalsjef Ove Aksnes
Tenesteleiar for kultur Odd Gunnar Myhre
Konsulent Eli Stølan
Rektor Kåre Bakke
Inspektør Edle Iversen

Forfall:

TVLV - Malene Lunde Sætren (Medlem)
V - Daniel Gangeskar (Medlem)

Av 7 medlemmer møtte: 5. Totalt frammøtte: 6

Olav Horn
Utvalseleiar

Ove Aksnes
kommunalsjef

Følgende saker ble behandlet:

Sak nr.	Sakstittel	
025/16	Godkjenning av møteprotokoll	
026/16	Orienteringssaker 10.05.2016	
027/16	Referatsaker	
028/16	Særskilt opplæringstilbud for nykomne minoritetsspråklege elevar	
029/16	Ferieopne kommunale barnehagar	
030/16	Klatrepark i Vågsøy	
031/16	Skuleskyss Nygård -Skavøypoll skule skuleåret 2016/2017	Unntatt offentlighet



SAKSGANG		
Styre, råd, utvalg m.m.	Møtedato	Saksnummer
Oppvekst- og kulturutvalg	10.05.2016	025/16

Endelig vedtak i: Oppvekst- og kulturutvalet	Arkivsaknr.: 16/662	Saksansvarlig: Dagny-Ann Gangeskar
--	-------------------------------	--

Godkjenning av møteprotokoll

Rådmannens innstilling

Møteboken godkjennes som den foreligger.

10.05.2016 Oppvekst- og kulturutvalg

Møtebehandling:

Ingen merknad.

Votering

Rådmann si innstilling samrøystes vedtatt.

OK-025/16

Vedtak:

Møteboken godkjennes som den foreligger.

Møteprotokoll frå forrige møte er i politikarportalen under «Mine referater» og på heimesida til Vågsøy kommune.



SAKSGANG		
Styre, råd, utvalg m.m.	Møtedato	Saksnummer
Oppvekst- og kulturutvalg	10.05.2016	026/16

Endelig vedtak i: Oppvekst og kulturutvalet	Arkivsaknr.: 15/1433	Saksansvarlig: Dagny-Ann Gangeskar
---	--------------------------------	--

Orienteringssaker 10.05.2016

10.05.2016 Oppvekst- og kulturutvalg

Møtebehandling:

Utvallsleiar Olav Horn informerte om

- Opning av folkebiblioteket mandag 09.05.2016
- Det vert snart sendt ut innkallingar til plangruppene for skuleutbyggingane i veke 21
- Skavøypoll skule
- Holvik barnehage
- Vågsøy ungdomsskule – byggestart på ny skule i dag 10.05.2016
- Nytt idrettsbygg på Vågsøy ungdomsskule

Kommunalsjef Ove Aksnes informerte om

- Møte med Våge- og Oppedal grendalag om ventilasjonen i dei midlertidige lokala til Holvik barnehage
- Personalsituasjonen i oppvekstsektoren
- Vidareutdanning og kompetanseheving

Rektor Kåre Bakke hadde omvising og informerte om modulskulen.

Inspektør Edle Iversen informerte om satsingsområda i ungdomsskulen. «Klasseleiing» og «Lesing i alle fag»

Konsulent Eli Stølan informerte om nye vedtekter for opptak i barnehagane og nøkkeltal frå 2015.

Votering

Ingen votering.

OK-026/16

Vedtak:

Ingen vedtak.

Skriv inn drøftingar her

Tekst



SAKSGANG		
Styre, råd, utvalg m.m.	Møtedato	Saksnummer
Oppvekst- og kulturutvalg	10.05.2016	027/16

Endelig vedtak i: Oppvekst- og kulturutvalet	Arkivsaknr.: 16/661	Saksansvarlig: Dagny-Ann Gangeskar
--	-------------------------------	--

Referatsaker

Rådmannens innstilling

Meldingene tas til etterretning som de foreligger.

10.05.2016 Oppvekst- og kulturutvalg

Møtebehandling:

Tenesteleiar for kultur Odd Gunnar Myhre orienterte og svarte på spørsmål.
Kommunalsjef Ove Aksnes orienterte og svarte på spørsmål.

Ingen merknad.

Votering

Rådmannen si innstilling samrøystes vedtatt.

OK-027/16

Vedtak:

Meldingene tas til etterretning som de foreligger.

Liste over dokumenter til orientering:

Nr	Dok.ID	Dok.dato	Avsender/Mottaker	Tittel
1	16/3082	I 07.03.2016	Folkehelseavdelinga Flora kommune	Årsrapport 2015 frå Folkehelseavdelinga, Flora kommune
2	16/3647	I 18.03.2016	Sogn og Fjordane fylkeskommune Kulturavdelinga	Svar - Søknad om investeringsstøtte til Måløyraidsenteret
3	16/3314	I 11.03.2016	Norsk Kulturskoleråd	Høring - Rammeplan for kulturskolen - «Mangfold og fordypning» kapittel 3 - frist 22.04.2016
4	16/2936	I 02.03.2016	Redningsselskapet v/Distrikt og	Søknad om midler til Forebyggende aktiviteter

				forebyggende arbeid	med seilas for barn og unge i Region Vest
5	16/4224	I	21.03.2016	Riksantikvaren	Hagevik tønnefabrikk - avslag på søknad om tilskudd fra Statsbudsjettet 2016
6	16/3695	I	18.03.2016	Utdanningsdirektoratet	Høring - forslag til endringer i læreplan for tavlemontørfaget Vg3/opplæring i bedrift - frist 07.06.2016
7	16/4141	I	01.04.2016	Det kongelige justis- og beredskapsdepartementet Inger Johanne Lofnes;	Beredskapsråd og vold i nære relasjoner
8	16/4395	U	07.04.2016	Dag Almending;	Møtereferat Samarbeidsutvalet i Skavøypoll barnehage
9	16/4709	U	13.04.2016	Ann-Kristin Høines;	Referat fra møte i samarbeidsutvalget Holvik barnehage 12.04.16
10	16/4473	I	08.04.2016	Vibeke Rimstad;	Årets nynorskkommune 2016
11	16/4298	I	04.04.2016	Jannicke K Myrestrand	Vågsøy - påminning om frist for innsending av revidert rekneskap
12	16/4677	I	12.04.2016	Trude Lund;	Utbetaling av ekstra tilskuddsmidler - tidlig innsats i skolen gjennom økt lærerinnsett fra 1.-4. trinn, kap. 226 post 63 - 2016
13	16/4811	X	15.04.2016	Ruth Anne Venøy;	Vedtøker kommunale barnehager vedtatt i Oppvekst- og kulturutvalget sak 017/16
14	16/5085	X	21.04.2016	Terese Gjerde;	Barnehagerute 2016-2017 Vågsøy kommune
15	16/5100	I	21.04.2016	Even Halsør	Årsmelding PPT Eid og Vågsøy 2016
16	16/4769	I	13.04.2016	Utdanningsdirektoratet	Høring om varige dispensasjoner for pedagogiske ledere og styrere - høringsfrist 24.05.2016
17	16/5088	I	20.04.2016	Det kongelige kunnskapsdepartementet	Høring om endring i opplæringsloven og friskoleloven - skolemiljø - frist 01.08.2016
18	16/5054	I	21.04.2016	Fylkesmannen i Sogn og Fjordane	Den gode barnehage- og skuleeigar
19	16/5264	I	22.04.2016	Det kongelige kulturdepartementet	Vågsøy kommune - om riving av anlegg



SAKSGANG		
Styre, råd, utval m.m.	Møtedato	Saksnummer
Oppvekst- og kulturutvalg	10.05.2016	028/16

Endeleg vedtak i: Oppvekst- og Kulturutvalet	Arkivsaknr.: 16/598	Saksansvarleg: Stephan Lexau
---	------------------------	---------------------------------

Særskilt opplæringstilbod for nykomne minoritetsspråklege elevar

Rådmannen si innstilling

Oppvekst- og Kulturutvalet godkjenner at det vert arbeidd med ei samling av opplæringstilbodet til nykomne minoritetsspråklege elevar ved Vågsøy Opplæringsssenter. OK-utvalet får førelagd plan for opplæringa omtala i saksutgreiinga, når denne ligg føre.

10.05.2016 Oppvekst- og kulturutvalg

Møtebehandling:

Kommunalsjef Ove Aksnes orienterte.

Votering

Rådmann si innstilling samrøystes vedtatt.

OK-028/16

Vedtak:

Oppvekst- og Kulturutvalet godkjenner at det vert arbeidd med ei samling av opplæringstilbodet til nykomne minoritetsspråklege elevar ved Vågsøy Opplæringsssenter. OK-utvalet får førelagd plan for opplæringa omtala i saksutgreiinga, når denne ligg føre.

Aktuelle lover, forskrifter og plandokument

Opplæringslova: §2.8

Læreplan i grunnleggjande norsk for språklege minoritetar

Meld. St 6 (2012 – 2013) En helhetlig integreringspolitikk, mangfold og fellesskap

Bakgrunn for saka

Frå august 2012 opna Opplæringslova for at kommunene og Fylkeskommunene skal kunne opprette særskilde opplæringstilbod for nyankomne minoritetsspråklege elevar, som t.d innføringsklasser. Formålet med innføringstilbod er at elevane raskt skal lære norsk slik at dei kan delta i ordinær

opplæring. Opplæringa organisert som eit innføringstilbod kan ikkje vare lenger enn to år for den einskilde elev.

Oppvekst og kulturutvalet vart i januar 2015 og 08.03.2016 orientert om arbeid i kommunegruppa for minoritetsspråklege elevar. Gruppa la fram ulike alternativ, viser til vedlegg 1 og 2. Utvalet ba då om ei vidare utgreiing av alternativ 1, å samlokalisere alle nykomne minoritetsspråklege elevar på det nye Opplæringscenteret.

Saksopplysningar / fakta

03. mars 2016 vart det vedteke at det skal leggest eit nytt Opplæringscenter på Måløy Brygge. Desse lokala skal etter plana vere klar til å ta i bruk ved nyttår 2017. Når nye lokaler er på plass vil ein kunne starte arbeidet med konkret utforming av innføringstilbod til nykomne minoritetsspråklege elevar. Tilbodet vil då i praksis kunne startast opp hausten 2017.

Ein ønskjer då å samlokalisere alle nykomne minoritetsspråklege elevar på det nye Opplæringscenteret.

Elevane vil verte skrivne inn på nærskulen. Skulen og heimen gjer ei samla vurdering om eleven skal inn i innføringsklassa på Oppvekstcenteret. Tilbodet om å delta i innføringsklasse er eit friviljug tilbod.

Oppvekstcenteret vert ein forsterka skule der minoritetsspråklege elevar får tilbod om særskild norskopplæring. All anna undervisning skal vere på nærskulen. Ein vil få eit stort mangfald av elevar og kunne bruke det som ein positiv ressurs i skulemiljøet og lokalmiljøet. I innføringsklassa skal ein jobbe etter læreplan i grunnleggjande norsk for språklege minoritetar. Den fungerer som ein overgangsplan som skal brukast fram til elevane er i stand til å følge opplæringa etter læreplanen i norsk.

Ein ser føre seg at det blir utarbeida ei konkret plan for undervisningstilbodet for minoritetsspråklege lagt til Oppvekstcenteret. Tilbodet gjeld for elevar i grunnskulen i Vågsøy, men både barnehagane i kommunen og Måløy Vidaregåande Skule bør involverast. Det bør utarbeidast ei plan bygd opp på same lest som frå-eldst-til yngst-plana i Vågsøy, som mellom anna har fokus på gode overgangar. På sikt bør det lagast ein rettleiar for arbeidet med minoritetsspråklege barn i barnehage og skule. For å lukkast vil det krevje god samhandling mellom ulike etatar og vidareutdanning av personale. Barnehage, grunnskule og Måløy Vidaregåande Skule PPT, Helsestasjon, Flyktingtenesta må involverast. Ein ser føre seg at eit slikt arbeid må gjerast i løpet av dette og komande skuleår. Det er då realistisk at ein kan starte opp med innføringstilbodet hausten 2017.

Vurdering / konsekvensar

Det vil medføre økonomiske og organisatoriske forplikingar for Vågsøy Kommune. Kostnadar som ein må rekne med er ca. 75% lærarstilling knytt opp mot undervisning. Kostnadane treng ikkje medføre ei totalauke, då det kan føre til frigjeriing av ressursar på avgjevarskulen. Skyss til og frå vil medføre ein kostnad, avhengig av tal elevar. For å få dette optimalisert, krev det koordinering.

Organisatorisk vil det og krevje tett samarbeid mellom grunnskulane og Opplæringscenteret. Timeplan på avgjevarskulane må tilretteleggast, slik at norskundervisninga blir tilrettelagt tilbodet elevane vil få på Opplæringscenteret.

Tilbodet vil gi eit likeverdige og likt tilbod til nykomne minoritetsspråklege elevar. Ein bygger opp robust fagkompetanse sentralisert på ein skule. Det vil føre til betre og meir strukturert organisering

av særskild norskopplæring. Å samle elevane på ein skule kan motverke kjensla av isolasjon som kan vere fare for ved direkte integrering.

Vedlegg:

Dok.nr
189714
189715

Tittel på vedlegg
Ny utgreiing innføringsklasse, vår 2016, alt 2, 26.02.16.docx
Utgreiing innføringsklasse.docx



SAKSGANG		
Styre, råd, utval m.m.	Møtedato	Saksnummer
Oppvekst- og kulturutvalg	10.05.2016	029/16

Endeleg vedtak i: Oppvekst- og kulturutvalg	Arkivsaknr.: 16/648	Saksansvarleg: Knut Ove Leite
---	-------------------------------	---

Ferieopne kommunale barnehagar

Rådmannen si innstilling

Ein arbeider for å få til ei prøveordning med ferieopen barnehage i Skavøypoll barnehage frå hausten 2017.

Etter vidare utgreiing av kostnader med ordninga, vert dette å innarbeide i budsjettet for 2017.

10.05.2016 Oppvekst- og kulturutvalg

Møtebehandling:

Kommunalsjef Ove Aksnes orienterte.

Votering

Rådmann si innstilling samrøystes vedtatt.

OK-029/16

Vedtak:

Ein arbeider for å få til ei prøveordning med ferieopen barnehage i Skavøypoll barnehage frå hausten 2017.

Etter vidare utgreiing av kostnader med ordninga, vert dette å innarbeide i budsjettet for 2017.

Aktuelle lover, forskrifter og plandokument

Barnehagelova m/ rammeplan
FN Barnekonvensjon
Ferielova

Bakgrunn for saka

02.02.2016 Oppvekst- og kulturutvalet: Ref.sak nr. 1 Referat frå møte i Samarbeidsutvalet
19.11.2015 Skavøypoll barnehage: Oppvekst- og kulturutvalet stiller seg bak et ønske om ferieåpne barnehager, og at man i de 3 ukene dette gjelder kan benytte seg av ufaglært arbeidskraft. Kommunalsjef Aksnes vil ta dette innspillet vidare på styremøtet 03.02.2016.»

Saksopplysninger / fakta

Saka vart drøfta i leiarmøte i barnehage sak 25-16, og det vart gjort følgjande vedtak:

«Janne summerer opp etter drøfting, og sender dette ut til dei kommunale barnehagane, som igjen tek saka opp i samarbeidsutvala. Bed dei eventuelt kome med innspel. Ut frå dette drøftar vi saka 27.04.16, før den vert lagt fram som sak på OK-utvalsmøtet i mai eller juni.»

Det vart sendt ut eit informasjonsskriv til barnehagane, med frist til 15.04.2016 om tilbakemelding i saka. Samarbeidsutvala i dei 3 kommunale barnehagane gjorde følgjande vedtak:

Tilbakemelding frå Holvik barnehage:

- *«det organiseres med personalet fra alle de tre kommunale barnehagene*
- *det være bindende påmelding*
- *det være ordinær betaling for 3 uker*
- *barna som benytter sommeråpen barnehage ha tilsvarende ferie i tidsrommet 01.06-01.09.»*

Tilbakemelding frå Skavøypoll barnehage:

- *«..Det må vere ei kommunal ordning.*
- *Tilbodet må vere i Skavøypoll barnehage eller Skramsmarka barnehage.*
- *Det må vere eit trygt og forutsigbart tilbod for barna.*
- *Det må vere personale frå alle 3 barnehagane dersom det vert barn frå alle barnehagane.*
- *Det må ikkje vere ekstra foreldrebetaling om ein nyttar seg av dette tilbodet.*
- *Reinhaldet må vere tilfredsstillande.*

Dag Almenning ønska at det skal leggst fram eit oversikt over kostnadane ved ei slik ordning, dvs ei oversikt over kva kostnader det kan bli ved reinhald, straum, evt. ekstra personale m.m. Dette vert då grunnlag for vedtak i Oppvekst- og kulturutvalet i mai-møtet.

SU drøfta òg om det vart nok tid til å sakshandsama dette for å få det til allereie denne sommaren. Personalet i barnehagane må få oversikt over ferien sin 01.mai. Innan den tid må det avklarast kor mange som har behov for at barnehage er open desse 3 vekene (29-31).»

Tilbakemelding frå Skramsmarka barnehage:

«For å få til privat sommeråpen barnehage er der en del utfordringer.

- *Pedagoger og annet personal. Hvem kan jobbe?*
- *Å sette barn inn i en barnehage der de ikke kjenner personalet.*
- *Hva vil det koste å ha en slik ordning for foreldre?*
- *Barn skal ha 3 uker ferie og hva om det blir slik at et barn ikke får ferie i det hele tatt?*
- *Hvem skal betale lønn og forsikring?*

Konklusjon: Det vi kom frem til var at det er for kort frist til å gjøre noe med det nå. Foreldre har mest sannsynlig planlagt ferie og pass av barn. De ønsker heller å gå tilbake til gammel ordning med sommeråpen barnehage fra sommeren 2017.»

Saka vart vidare drøfta i leiarmøtet 27.04.2016 med følgjande innstilling:

«Styrarane i kommunale og private barnehagar støtter at ein arbeider for ferieopne barnehagar. 1. Ein ser føre seg ei realistisk og god gjennomføring av dette frå sommaren 2017. 2. Ein rår til at dette vert gjennomført i alle kommunale barnehagar, då det er uheldig at barna vert flytta frå barnehagen dei tilhøyre, til nye og ukjende forhold. 3. Ein føreset at det vert løyd midlar i neste års budsjett for gjennomføring av tiltaket.»

Vurdering / konsekvensar

Tilbakemeldingane frå samarbeidsutvala og i leiarane i barnehage har peika på at kvalitet må sikrast ved å nytte kjent personale i kjende lokale. Dette er i tråd med Barnekonvensjonen artikkel 3:

«Ved alle handlingar som vedkjem barn, anten dei blir sette i verk av offentlege eller private velferdsorganisasjonar, domstolar, administrative styremakter eller lovgivande organ, skal det som gagnar barnet best, vere eit grunnleggjande omsyn»

Vidare i same artikkel:

«...Partane skal sikre at dei institusjonane og tenestene som har ansvaret for omsorga for eller vernet av barn, rettar seg etter dei standardane som dei kompetente styresmaktene har fastsett. Særleg gjeld dette tryggleik, helse, tal tilsette, kvalifikasjonane til dei tilsette og kvalifisert tilsyn.»

Sidan denne saka først skal opp i møte i Oppvekst- og kulturutvalet 10.05.2016, ser ein ikkje høve til å sikre nok personale som kjenner barna. Det er allereie fastsett ferie for personale, slik det går fram i ferielova.

Styrarane stiller seg positive til ferieopne barnehagar frå neste sommar av. Då kan ferietida organiserast slik at ein sikrar tilstrekkeleg, kjent og kvalifisert personale heile sommaren i den barnehagen barnet kjenner seg trygg i.

Rådmannen finn det naturleg at ordninga først vert prøvd ut i ein barnehage og at Skavøypoll då peikar seg ut. Å innføre dette i alle barnehagane vil medføre større kostnader og auka trong for vikarar. Dagens ordning med feriestengde barnehagar og samla ferieavvikling er den mest økonomiske, men ikkje nødvendigvis den ønska av dei tilsette. Ferievikar for ein tilsett koster kr. 50.000 i snitt.

Opphaldstida for barna blir ikkje lengre om dei blir tekne ut for ferie andre tider på året og kommunen kan derfor ikkje rekne med auka inntekter til ordninga.,

Ein må også sjå kva trong det er for ei slik ordning. Det er ikkje nødvendigvis sikkert at det er særleg oppslutning om ei slik ordning og kommunen må vurdere kostnaden opp i mot andre ordningar i budsjettet.

Vedlegg:

Dok.nr
188257

Tittel på vedlegg
Ferieavvikling 2016.docx



SAKSGANG		
Styre, råd, utval m.m.	Møtedato	Saksnummer
Oppvekst- og kulturutvalg	10.05.2016	030/16
Formannskap	12.05.2016	062/16
Kommunestyre	02.06.2016	

Endeleg vedtak i: Kommunestyret	Arkivsaknr.: 14/224	Saksansvarleg: Odd Gunnar Myhre
---	-------------------------------	---

Klatrepark i Vågsøy

Rådmannen si innstilling

1. Klatreparken vert lokalisert på Måløy stadion.
2. Administrasjonen arbeider vidare med planar om å utvikle sentrumsparken til ein møteplass, her i vidare planlegging av ein mindre klatrepark nummer 2.
3. Det er i prosjekt 4043 klatrepark i Vågsøy, løyvd kroner 750 000. Dette vert auka med kroner 500 000 til kroner 1 250 000, finansiert ved ubrukte lånemidlar frå tidlegare år.

10.05.2016 Oppvekst- og kulturutvalg

Møtebehandling:

Tenesteleiar for kultur Odd Gunnar Myhre orienterte og svarte på spørsmål.

Utvalet ønsker å utsette saka til neste møte 07.06.2016 og at arbeidsgruppa i samarbeid med utvalsleiar fram til den tid greier nærare ut alternativ 2 i gruppa si innstilling om mulighetane for at andre aktørar vil ta over prosjektet.

Vidare skal arbeidsgruppa og utvalsleiaren vurdere nærare innspel frå Linda Vika-Svård om ei plassering på Moldøen.

«Uteseksjonen sitt område på Moldøen står nå tomt, og det står igjen en hall der. Denne hallen kan benyttes som skatehall innendørs i tillegg til at det bygges klatrepark og en utendørs skatepark (streetpark) på området. Det er nå 15 år siden første gang pengene var på plass til en skatepark, men den er fortsatt ikke plassert. I år er skateparker et satsningsområde for regjeringen hvor det er lettere å hente penger fra det offentlige.

Utdrag fra

https://www.regjeringen.no/contentassets/2db68158cc544b7588a0565b86ff8e62/bestemmelser_om_tilskudd_til_anlegg_for_idrett_og_fysisk_aktivitet-v-0732b_2015.pdf

Utendørs skatepark

Skateparken skal være avsatt til skateboard (og eventuell annen ikke-motorisert rullende aktivitet). Arealet må tilsvare minst 800 m² effektiv kjøreflate i **varig** materiale, for eksempel betong.

Tilskudd: inntil 1/3 av godkjent kostnad, maksimalt kr 2 000 000.

Andre størrelser etter særskilt vurdering av departementet.

Skatehall

Tilskudd: etter særskilt vurdering av departementet.

Området på Moldøen er stort, og vil kunne bygges videre på med tanke på å til slutt få til et flott utendørs friluftsanlegg med enkel tilkomst for barn, barnefamilier og ungdom både gående og kjørende.

En annen fordel er at området er så stort at en har mulighet til å asfaltere et område ved innkjøringen til der gamle uteseksjonen var, og etablere parkeringsplass for hele»

Utvalet si innstilling er å utsette saka til 07.06.2016

Votering

Utvalet si innstilling samrøystes vedtatt.

OK-030/16

Vedtak:

Saka er utsett til 07.06.2016.

Bakgrunn for saka

Administrasjonen har lagt fram sak om etablering av klatrepark ved to høve. Fyrste gong sak vart lagt fram var det med tilråding om å etablere klatreparken på leikeplassen sør for brannstasjonen mellom gate 2 og gate 3. Dette er det mest sentrumsnære alternativet som er regulert til formålet. Det var ynskje om å ha klatreparken meir sentrumsnært og det vart gjort vedtak om at den skulle plasserast i parken ovanfor postkrysset. Naboar klaga vedtaket inn for Fylkesmannen og fekk medhald slik at vi måtte starte prosessen med å finne anna lokalisering. Administrasjonen la fram saka på nytt med forslag om å etablere klatreparken på Måløy Stadion. Det vart gjort følgjande vedtak i sak 139/15 i formannskapet 19.11.2015:

«1. Lokalisering av klatreparken vert utsett. Det vert nedsett ei nemnd for å vurdere aktuelle sentrumsnære tomtealternativ.

Desse vert valde: Terese Gjerde (leiar), Linda Vika og Ronny Mobakken.

Tilråding frå nemnda blir å legge fram i Oppvekst- og kulturutvalet innan første halvår 2016.

2. Som rådmannen si innstilling i pkt 2. «Det er i prosjekt 4043 klatrepark i Vågsøy løyvd kroner 750 000. Dette vert auka med kroner 500 000 til 1 250 000 kroner, finansiert ved ubrukte lånemidlar frå tidlegare år»

3. Gjennomføring av prosjektet vert teken stilling til i samband med utarbeiding av Økonomiplan 2016-2019.»

Saksopplysningar / fakta

Gruppa som vart sett ned har utarbeidd eit notat som ligg ved saka, i notatet skisserar gruppa to alternativ:

Alternativ 1

«Tomt mellom gate 2 og 3, sør for brannstasjonen: Gruppa ser derfor tomte sør for brannstasjonen mellom gate 2 og 3 som einaste mulegheit for klatreparken. Vidare ynskjer gruppa å foreslå at om ein ønskjer å gå for tomte sør for brannstasjonen, vil vi tilrå å legge dyrare underlag. Det same underlaget som vart foreslått på stadion. Dette er dyrare (var anslått til 400 000 kr), men er vedlikehaldsfritt og vil gjere området universelt utforma.»

Alternativ 2

«Tilby andre å byggje klatrepark

T.d- private/organisasjonar for allmenn bruk. Dei må sjølv søkje om tippemidlar og stå for finansiering sjølve, eventuelt med noko tilskot frå kommunen. Gruppa meina at det er stort behov for leikeareal for barn i sentrum. Om ein ikkje ønskjer å byggje klatreparken, ønskjer gruppa at ein bruka delar av pengane som allereie ligg inn i budsjettet til formålet, til kjøp av leikestativ i sentrum. Her tenkjer ein til dømes torget, parken, utanfor Heradsheim etc. Ein vil då ikkje få tippemiddelfinansiering, men et vil ikkje bli så kostbart for kommunen som ein klatrepark vil bli.»

«Arbeidsgruppa som vart sett ned anbefaler alternativ 2. Arbeidsgruppa ynskjer at innspel til alternative plasseringar skal kome inn til arbeidsgruppa.»

Vurdering / konsekvensar

Det er viktig å gjere seg opp ei meining om kva ein vil med dette prosjektet, kva er målet? Er målet å leggje til rette for meir aktivitet blant barn og unge eller er målet å få eit meir attraktivt sentrum? Klarer vi begge delar?

Slik saka no står har kommunen desse alternativa:

- A. Avslutte prosjektet og takke nei til gåva på 250 000 kroner frå Sparebankstiftinga til etablering av klatrepark.
- B. Starte ein prosess med å finne eit lag/organisasjon ev. andre som vil ta over prosjektet.
- C. Avgjere lokalisering i samband med områderegulering av Måløy sentrum.
- D. Ta ei avgjersle om lokalisering av klatreparken.

A. Avslutte prosjektet.

Det har vore utfordrande å finne ei sentrumsnær tomt til klatreparken, og prosjektet har blitt forholdsvis kostbart. Vågsøy kommune kan takke nei til gåva frå Sparebankstiftinga til klatrepark.

B. Arbeide vidare med å finne eit lag/organisasjon som vil ta over prosjektet.

Arbeidsgruppa ynskjer å gå for dette alternativet. For å identifisere kven som vil kunne ta på seg dette prosjektet må kommunen opplyse lag og organisasjonar, bygdelag, velforeiningar og private om at dette er eit alternativ. Arbeidsgruppa skissere og at kommunen kan bidra økonomisk i eit slikt prosjekt. Det må då avklarast kor stort dette bidraget eventuelt skal vere.

Arbeidsgruppa ynskjer å få innspel frå lag/organisasjonar/private på plassering for å ta ei avgjersle på kva dei skal arbeide vidare med. Då må det utarbeidast kriterier for kva som skal vektleggjast i eit samarbeid slik at ein kan skilje eventuelle interesserte. Ein slik prosess vil vere krevjande og vil ta tid, og kan ende med at vi ikkje får noko resultat. Det er ikkje mange lag eller organisasjonar som har økonomi eller kapasitet til å ta på seg eit slikt prosjekt.

C. Avgjere lokalisering i samband med områderegulering.

Lokalisering av klatreparken vert spelt inn i prosessen med områderegulering for Måløy sentrum. Eit sentrumsnært område på minimum 250 kvadratmeter må setjast av til formålet. Det er ei utfordring at kommunen eig lite areal i sentrum og at det kan vere utfordrande å få nytte private eigedomar til slikt formål.

D. Ta ei avgjersle om lokalisering av klatreparken.

Det har vore diskutert å nytte sentrumsparken, torget, parkeringsareal i sentrum og private eigedomar i sentrum. Dette har også arbeidsgruppa sett på utan å kome med eit godt alternativ.

Dersom vi skal byggje klatreparken no må vi finne areal litt lenger vekk frå Måløy sentrum. Dei to tomtene som er skisseret i tidlegare saker kan vere aktuelle plasseringar.

Tomta i mellom gate 2 og 3 vil vere det dyrast alternativet av dei to tomtene sidan tomta er bratt og det vil vere trong for å planere tomte før bygging av klatreparken. Det er godt med parkeringsareal i nærleiken og den ligg i kort avstand frå Skram skule, Skramsmarka barnehage og torget. Likevel er den så langt frå sentrum at den nok vil ha lite innverknad som eit innslag for å skape meir aktivitet i sentrum.

Rådmannen vurderar Måløy stadion som det beste alternativet om vi skal etablere klatrepark no. Tomta er flat og det er såleis minimalt med kostnader til grunnarbeid. Vågsøy kommune eig grunnen og det er regulert til formålet. Det er til tider stor aktivitet i området med kunstgrasbane, anlegg for friidrett og turløyper, og det er ein barnehage like ved. Ved å legge det der vil ein utvikle idrettsanlegget og området rundt til å bli ein møteplass for idrett

og eigenorganisert aktivitet. Den vil ikkje ha noko innverknad i forhold til å skape eit meir attraktivt sentrum.

Kort om vilkår for tilskot frå Sparebankstiftinga og tippemidlar:

Bakgrunnen for utforminga kjem av ein teiknekonkurranse i regi av Sparebankstiftinga der vinnaren hadde teikna eit klatrefjell og ei klatreløype av blyantar. Det skal vere ein gjenkjennelse i alle anlegga som vert etablert i Sogn og Fjordane. Ordninga med klatreparkar har vore godt teke i mot i fylket og Sparebankstiftinga har starta med å gje tilskot til «Klatrepark nr 2» i enkelte kommunar. Her er tilskotet frå stiftinga halvert til 125 000 kroner. I samtale med fylkeskommunen så kan det vere at vi kan få redusert arealet frå minimum 250 kvadratmeter til minimum 150 kvadratmeter til klatrepark nr 2.

Anlegget må godkjennast som nærmiljøanlegg for å få tippemidlar, det vert ikkje gitt midlar til frittstående element, dei må inngå som ein del av ein klatrepark.

Nokre leverandørar har fått «godkjent» sine anlegg som klatreparkar og har tilpassa seg vilkåra frå Sparebankstiftinga. Dersom vi skal lage eigne variantar av klatreparken så må vi avklare både med fylkeskommunen og med Sparebankstiftinga at vi får tilskot.

Sentrumsparken

Det er viktig å få til ein møteplass i sentrum men det treng ikkje nødvendigvis å vere ein klatrepark. Avdeling for plan og utvikling er i gang med å sjå på eit prosjekt for sentrumsparken og der har dei skissert at om lag 50 kvadratmeter kan nyttast til leikeapparat eller liknande. Eit notat om dette ligg ved saka.

Økonomi

Mange kommunar har opplevd å få anbod som ligg mykje over dei tilboda som var henta inn i starten av prosjektet. Grunnen til dette er samansett. Vi har og hatt ei anbodsrunde som vi måtte avlyse på grunn av at vi ikkje fekk på plass grunnspørsmålet. Der og var anbudet noko høgare enn det som vi hadde henta inn pris på i samband med utarbeiding av saksdokumentet.

Vi bør velje å bruke heilstøypt fallunderlag i anlegget. Det vil føre til at det er mindre behov for vedlikehald. Det vil koste om lag 400 000 kroner meir å legge heilstøypt fallunderlag enn å bruke til dømes bark. Dette vil vere ekstra viktig dersom ein skal plassere den tett opp til løpebana på Måløy stadion på grunn av at barken vil kunne bli blåst utover løpebana. Ved å velje denne type underlag vil vi få eit meir universelt utforma anlegg der til dømes dei med som brukar rullestol kan bevege seg inn i parken. Anlegget vil også vere lett tilgjengeleg frå parkeringsplass.

Det finst fleire tilbydarar av klatreparkar og dei har ulike system/måtar for å montere opp parken. Området på Måløy stadion er plant og grunnarbeidet vil derfor vere billigare enn å etablere anlegget på ei tomt som ligg i skrått terreng.

Investeringsprosjekt «4043 Klatrepark i Vågsøy» er i dag godkjent innafor ei investeringsramme på kroner 750.000 eks. mva. Finansierast med kroner 250.000 i tilskot og kroner og 500 000 i ubrukte lånemidlar frå tidlegare år. I økonomiplanen leggst det inn utbetaling av spelemidlar i 2017 med tilsvarande tilbakeføring av låneopptak.

For å få minst mogleg vedlikehald og hindre at fallunderlag bles utover så bør vi velje heilstøypt fallunderlag i klatreparken. Investeringsramma må då aukast opp frå 750 000 kroner til 1 250 000 kroner.

Finansiering:

Tilskot frå Sparebankstiftinga	250 000 kroner
Tippemidlar	300 000 kroner
<u>Eigenkapital Vågsøy kommune</u>	<u>700 000 kroner</u>
<u>Totalt</u>	<u>1 250 000 kroner</u>

Det betyr at bruken av dei ubrukke lånemidlane må aukast opp frå 500 000 til 1 000 000. Når spelemidlane vert utbetalt vil det bli ei tilbakeføring av låneopptak.

Rådmannen tilrår at klatreparken vert etablert på Måløy stadion med fast fallunderlag. Ramma på prosjektet vert auka opp frå 750 000 kroner til 1 250 000. Administrasjonen arbeider vidare med planen om å rehabilitere sentrumsparken og ser på moglegheita for å etablere klatrepark nr 2 der.

Vedlegg:

Dok.nr	Tittel på vedlegg
185782	Klatrepark - Innspel frå arbeidsgruppa
191029	Notat om klatrepark - sentrumspark

Journalposter i arkivsaken – uprenta vedlegg

Nr	T	Dok.dato	Avsender/Mottaker	Tittel
11	U	30.01.2015	Vågsøy kommune/v plan og utvikling	Søknad om dispensasjon - etablering av klatrepark
12	I	03.02.2015	Vågsøy kommune	Mangelfull søknad - dispensasjon frå reguleringsplan gbnr 115/52 og 115/263 - etablering av klatrepark
13	U	03.03.2015	Vågsøy kommune v/ plan og utvikling	Tilleggsopplysningar dispensasjonssøknad gbnr 115/52 og 115/263 - klatrepark
17	X	02.05.2016		Notat om klatrepark - sentrumspark



Vågsøy kommune

Sakspapir

Unntatt offentlighet Oppl. underl.teieplikt Off.l.§13/Fv.l.§13

SAKSGANG		
Styre, råd, utval m.m.	Møtedato	Saksnummer
Oppvekst- og kulturutvalg	10.05.2016	031/16

Endeleg vedtak i: Oppvekst og kultur	Arkivsaknr.: 16/283	Saksansvarleg: Ove Steinar Aksnes
--	-------------------------------	---

Skuleskyss Nygård -Skavøypoll skule skuleåret 2016/2017